

趙氏族譜

友山甫鈔

卷肆禮冊

紀藝文上

民國庚申孟秋。

裔孫趙輔仁。
親手修鈔。



趙氏族譜

後世子孫什襲如琬藏之。調鶴山房續修。

○○○趙氏族譜卷五。

。藝文上。謹按以下。他人贈送之文。

○○明刺史仰山趙公入觀報政序。

古庚桑在宥。而畏壘之眾。爭相尸祝。匪有他術。以塗民耳目。考厥治行。日記不足。歲記有餘。裨屬約結。所從來矣。不則。劃然希聲。絜然計效。方古庚桑畏壘之事。恐未數數然也。沅州據五溪上游。風淳民樸。甲於南楚。獨惜奔命之疲苦。輸納之重煩。錢谷甲兵之勞拏。皆雜。訟理真贗之兩造。充斥。又當塗扼要衝。使奉絳繹。少不給。而捉衿露肘。首蕭模稜。勢所必至。我公令蓬溪。凡五載。功令在民口碑。未幾政徹。旒黉擢沅五馬。甫半稔。而百務井井。如建閣以崇文。置田以養士。甃橋以惠旅。施藥以濟民。放粟以賑貧。捐金以砌路。諸不及更僕。而當歲事考績之期。士大夫咸知臚列諸政。以圖不朽。於是集所為序。為頌者如千首。且也。侈之聲歌。倣古樂府。排律絕句諸什。意在繼棠蔭之遺踪。踵峴山之故事。而不能自已。僉與謀於不佞。第見古循良。有聲為民。所豔譚者。如鄭歌。

子產。矢之與人。鼎沸不絕。至如漁陽歌張君。魏郡歌岑君。冀州歌皇甫之類。樂府采焉。以風在位。今我公之治。不讓子產諸賢。而郡士民各言其情。惟其言可風。則風之。奚其論古今工拙哉。

萬曆歲在柔兆之治。敦祥孟冬月。穀旦。

賜進士第。前吏部觀政。治下生。滿朝薦。頓首拜謨。

○明。知四川蓬溪縣事。仰山趙公。生祠圖。軸德政詩。

王之佐。二首。其一。

重陽景物菊初開。忽報神京寵召來。滇郡舊多個倘士。蓬城今見濟時才。五年奏最稱奇矣。三載蜚聲更異哉。閭闔樓頭應獨立。伊周事業頌青槐。

其二。

河陽借寇幾餘年。山斗斯文不等閑。化雨均沾桃李潤。春風滿座水魚歡。旌忠獎孝闡潛德。彰往勸來樹大觀。攀卧難留清獻轍。建祠肖像永綿綿。

李獻吉。一首。

滇南干將發新硎。下宰斯民上應星。心白無瑕三夜月。節清有象一潭泠。

滿門桃李陽春醉。百里桑麻雨露零。即今五馬瀟湘日。故老思垂去後亭。

羅 宸一首。

普天悅。百里風清奇絕。蓬樹駿。楚流鴻。總是安民策。循良於今為烈。說是麼。龔黃卓魯。快覩昇平業。右調謁金門。

羅惠及二首其一。

闕三字得述闕仙。寓巢王喬化有年。百里鴻恩蓬地注。一朝鳳詔楚江遷。兒童騎竹迎新慶。父老攀轅戀舊堅。丹陛特專股肱寄。此行不負又朝天。

其二。

五戰文翁教澤長。那堪星駕轉湖湘。花封夙闕雙鳬鳥。阜蓋今看五驥驤。封鐙留鞭遮道遠。頌功肖像祀祠香。酉陽不久入廊廟。山斗何時再際光。

譚廷樸一首。

灼灼郎星照碧苔。蓬山初展濟時才。鑑衡靈鏡懸秋月。冰檠清操絕點埃。日轉棠陰遺澤在。鳳啣丹詔自天來。楚沅五馬難羈驥。竚看勛名列鼎台。

李時化一首。

鳧爲啣符蒞赤城。鳴琴公暇迭羣生。雉馴虎服民懷畏。棠蔭麥歧政異新。直指阜囊推五馬。明廷紫誥更三旌。攀轅何以羈仙輶。還擬神京步後塵。

○明。知四川蓬溪縣事。仰山趙公去思碑。

新置學田。

寬減紙贖。

欽省刑罰。

勸息詞訟。

表揚節孝。

殄除盜賊。

躬行節儉。

愛護里甲。

鼎建學坊。

廣施藥粥。

創建舟楫。

捐捨寒衣。

作養士子。

清理田糧。

辨明冤枉。

更設別倉。

申明鄉約。

均調驛馬。

豁蠲鹽課。

諭戒輕生。

○摘錄四川蓬溪縣志政績門。

辛亥秋。甲南卸奉節權務。改署蓬溪邑鹽職。公暇。閱縣志。因摘錄之。以示來者。甲南謹識。

趙端益號仰山。雲南太和舉人。萬曆二十八年。知蓬溪縣。置學田。勤賑貸。

養士惠民。最得為政體。尤發奸摘。伏除邑中蠹弊。供役有不均者。悉調劑

之。其成梁造艇。建別倉。修女監。繕理城堞。種種茂勩。靡不愉快人心。蓬人

德之。

見載豐澤廟碑記。碑記附后。

○明。張正學重修高洞豐澤廟記。

案此廟在縣西門外三十里許。萬曆三十一年。趙端益知蓬溪縣事。重修之。

邑侯。仰山趙公。起家滇太和。綰符蓬溪之二年。歲辛丑春初。旱魃為祟。幾

至焦示。公倣桑林故事。摘文自責。修雩祀以禳之。問俗所尊信。素膏於民者。無如豐澤龍君。乃躬詣高洞神祠。而藉靈焉。惟時。京京憫憂。未遑登眺。既返轡三日。甘澍大至。遂兆豐穰。公深嘉神貺。訐訐有崇報思。朱轡再至。剖羊醢酒。饗龍君祠下。既成禮。凭檻矚目。層巒疊嶂。吐靄凝煙。色色可翫。潁瞰溪流。一瀉湍淩。如飛虹瀑布。排截辟赴重淵。狀若喧霆。臨之心悸。下則埽埤叵測。世傳龍君潛鍊於斯。理或然也。公謹然詫曰。千態萬狀。怡神豁目。寰宇奇勝。可數數覩耶。已又裴迴週遭。覽先朝之故址。誦欽礪之遺文。憶想當年壯麗。咨嗟浩歎。召諸父老子弟。諭之曰。虬簷雕甍。連雲蔽日。茲山舊貫也。今閤廢久。墜堦城圯。泐眎昔寥然也。前政規恢。終未大備。復古隆盛。將在茲乎。亟捐俸金。鳩羣工。伐石庀材。胥廟貌聿新之。葺衍利廣。利二神祠。肖二公像於中。前豎坊表。翼以崇墉。附以伽藍室。殿閣鴛飛者。甃之。丹堊剝浥者。飾之。諸所剏建。煥然改觀。粵明年八月。竣其役。邑弟子員。羅惠檐。暨義民。王時奇。陳廉徵等。徵言不佞以記之。按龍君傳神。本天曹案吏。謫居蓬萊。蛇蟄龍蟠之說。幻不可攷。即有之。豈人力也哉。世人亦

既罕所希蹤。姑勿斷斷置叨已。惟是利賴蒼萌之念。金石彌堅。始以郎官宰小溪。蓬在封內。最沾闔澤。既居蓬萊。屬歲大祲。不恡家資。賙之。全活百萬家。迨其神於茲土也。嘆潦禱禱。其應如響。古稱國之循良。鄉之名賢。神靈中福國庇民。允宜祀典者。非耶。夫事有曠百世而相感者。公生千百載後。一旦登堂問俗。孜孜注嚮。心契神交。大都然也。請以是記之。有客韞然曰。唯唯否否。今之龍君。古邑大夫也。蓬士民遐思。君蒿悽慘。若或見焉。況身稟型而身被澤。有不銘鏤衷悰者哉。公與龍君。應宿同官。親民同地。言言念念。孔保煦育。宛若龍君治蓬懿架。今投牒報最於朝。歷可枚舉。新學校。樹坊表。垂百代偉觀。置學田。勤賑貸。養士惠民。最得為政體。崇獎節義。申飭倫常。民知嚮風。寘赭衣首惡者於辟。陰謀斃人命。及穿塚攫物者。摘伏之。邑大蠹。無如驛傳社倉。編簽徵納。及上供稅課。茶蜡等役。公悉心調劑之。民始蘇理。扛梁造舸艇。民無涸溺者。建別倉。修女監。以羈薄罪。繕理城堞。民不稱擾。價外不徵秋毫。居貨者甚便。鴻勛茂勩。靡不愉快人心者。蓬人德之。豈異先民之戴龍君。今古儕聲。千百世在蓬可矣。不佞曰。未也。

神龍淵潛。澤被一隅。靈異未盡表著。已而見田。普施變化。風雨埃埏。且大
洽已。龍君豐澤。眷戀一蓬。而以未罄者。俟公百世。指日天子。下璽書。求良
弼。以公作大旱霖雨。綰結遐區。將什伯於是乎。僉曰然。乃綴不佞言。勒諸
貞珉。以告方來之尹於茲邑者。願踵茲芳躅。造蓬邑民於億萬年不衰也。
時萬歷甲辰仲春。

。題趙氏。恩榮坊匾額。
天啟乙丑春。

。鵬鵬振翮。

古濠世階書。

。題趙氏宗祠匾額。

大理府掌印同知。盧多益。為

井絡神君。

四川。潼川州。蓬溪縣。知事。趙端益。立。

。題趙氏宗祠匾額對聯。

乾隆甲子春吉。

。湖山鍾靈。

。祖功宗德。自天水發源。衍於岷。匯於滇。大於榆。丕基再造。
子翼孫文。以尼山立業。選而里。舉而鄉。賓而國。累世其昌。

賜進士。知四川井研縣事。石屏。萬咸燕題。

。題趙氏本宗祠匾額對聯。

道光庚子孟秋。

承先啟後。

鳳陽一支分派。至此日千百餘年。莫不詩禮傳家。子繼孫繩。光祖業。天水三傑承宗。到於今五十多戶。類皆端方持己。飲和食德。荷君恩。

元孫廷俊敬立。

。題趙氏本宗祠匾額。

例授文林郎。

嘉慶辛酉科舉人。吏部揀選縣知事。

二十九世孫。邦柱敬立。

敬宗收族。

例授修職郎。

光緒丙子科副榜。候揀選儒學教諭。

三十一世孫。福綏重修。

。題趙氏本宗祠匾額。

勅授修職郎。

咸豐辛亥。欽加國子監學正銜。

任永昌縣教諭。恩科舉人。

三十世孫。錫昌謹立。

源接江南。

勅授文林郎。

光緒乙亥。晉授文林郎。任易門教諭。

恩科舉人。雲州學正。

五十一世孫。景溫重修。

○○題趙氏本宗祠匾額。

咸豐壬子菊月。

○天水發源。

曾孫振宇。統男。清珍。品率孫福綏。敬立。

○○題趙氏本宗祠匾額對聯。

民國三年。歲位甲寅。孟秋穀旦。

○積厚流光。

○發迹自鳳陽。歷唐宋元明而大著。
○貽謀昭燕翼。保子孫宗族於無窮。

三十一世孫。城璧謹立。

○○秀峯趙公。德政匾額。時任陝西。漢陰廳通判。
嘉禾遂生。

○○秀峯趙公。德政匾額。時任陝西。留壩廳同知。

○攜琴赴職。

○澤被鄰封。

○○奉題秀峯仁兄年大人。停琴調鶴。洗硯詠荷圖。即祈正句。時年五十二。任漢陰通判。

我昔乘槎入西蜀。偶訪元亭慕芳躅。墨池纔闢講堂開。多士門前紛立鵠。

公餘池上樂相羊。手種荷花生清香。方塘半畝磨新鏡。夏木千章送晚涼。

雨聲不住池波黑。田生搦管侍我側。為寫荷池聽雨圖。丹青點綴頓生色。

三年使者弭節還。田生從我來長安。開篋啟圖挂素壁。座客都從堂上看。

我友趙君神明吏。琴鶴相隨君家世。一官遷秩謁楓宸。燕臺喜得聯衿袂。

心跡生平兩相親。一笑同為畫裡人。茲圖恍髴愜君意。更倩田生為寫真。

爐烟裊裊香未歇。知君此時坐超忽。單父宰不廢絃歌。琴堂深處佇華月。

檻外招邀雙鶴鳴。知君襟抱鶴同清。餘俸分來堪果腹。繞階咏蘚多閒情。

草亭下瞰水一派。荷沼淪連花世界。知君皎潔無纖塵。曾次虛堂瀉清快。此中雅趣誰偏宜。此中俗吏那得知。勞勞判牘墨污硯。呼僮洗滌依芳池。端溪石浣花間露。憑君吐出粲花句。矮紙蠻牋五色裁。藹香竹粉四圍護。君不見淵明妙悟尤愛琴。無絃自領絃上音。又不見雲中矯矯天宇廓。仙人不羨盧耽鶴。小謝詩同出水荷。洗墨池漾百東坡。君今兼此樂復樂。尺幅中有君行窩。送君西行歷滄瀾。處處篠簜迎別駕。漢陰况有息機人。散衙倘可邀結夏。仙吏風流曠士懷。水邨山閣早安排。我亦浮雲視軒冕。如君雅愛真吾儕。看君此去卿雲靄。官職聲名兩俱泰。功成身退會有時。西風應憶鱸魚膾。湖山佳處好卜隣。他日相呼鷗鷺羣。青鞵布鞵間來往。待訪循良舊使君。

蓉峯愚弟聶鉞敏脫稿。聶公時為陝甘督學使者。

○○春明出祖圖記。

皇帝御極之十有二年。以外吏需才。詔各疆臣。就所屬舉治行優異者以

聞。蓋曠典也。其明年。我同年友趙秀峯。以同知陝西漢中府留壩廳事。來入覲。

召對於西苑。既竣事。將出國門。同人相與餞於寓齋。酒數行。羣揚觴而言曰。秦中。古帝王州也。南山為秦重地。而留壩又南山門戶也。曩日三省之役。匪徒竄匿其中。致勞

王師進剿。凡數載而始平。今吾子視事於此。得毋有惴惴而恐者乎。或又曰。不然。方今疆宇乂安。人民和樂。亦惟是稽其出入。戢其流亡而已。終南山。拔奇而聳秀。秀峯以公暇。凝香拄笏。於朝暉夕靄間。方且顧而樂之。予曰。此皆秀峯意中之境也。以予觀秀峯之為人。外樸而中誠。其必有先憂而憂。後樂而樂者。且秀峯之名。亦既聞之

天子矣。行且由郡守監司。而陳臬。而開藩。而建牙秉鉞。又豈獨一府佐之稱其職。一留壩之被其澤哉。先是同人之官日下者。繪有雅集團。酒竟。出以示秀峯。秀峯執卷。流連歎歎而歎曰。顧安所得久聚如圖中耶。因命工別繪此圖。圖之中。長身玉立。軒然而來者。史為圖也。與為圖司子為。卡卡

堂也。前橫大石案。伸紙濡毫。若將作書者。那竹汀也。坐於左方者。帥海門也。右方者。陳葦田也。立於後而觀者。何仙槎也。倚樹獨立者。姚伯昂也。一童子執壺侍側。一人持杯作酬酢狀者。特芳山也。對飲者。郭心齋也。坐磻石持竿而釣者。徐香垞也。立而與語者。何昭甫也。撫几橫琴枯坐。若有所思者。穆鶴舫也。圖將終。有陂陀起伏。可列坐數人。最後一髯翁。袖手佇立者。郭鶴眠也。攜三鶴。翹一足。坐於石上者。秀峯也。其前執卷者。徐星伯也。拂鬚坐而旁睨者。予也。是會也。秀峯及竹汀。心齋。仙槎。伯昂。星伯。昭甫。并予。凡八人。其未與者。皆就前圖規仿得之。圖既成。因述其緣起。並以告語於秀峯者。叙次而為之記。

南昌彭邦疇。春農譔。

大興徐松。星伯書。

○道光戊申四月。以戎務駐城。承

○秀峯太守大兄同年。遣兩郎君見訪。并出此圖。屬題倚裝。作此奉教。且誌

懷想。

鋒車西指蘭津渡。萬疊蠻山撲妖霧。竭來小憩妙香城。頗憶故人隔雲樹。
下苑經過跡已疏。金臺追餞亦模糊。原註義山寄同年詩。下苑經過勞想像東門追餞又差池。
何期南詔風塵外。却見東華主客圖。羨君脫繡歸榆社。蘭玉森森繼風足。
膝前撰杖盡荀陳。夢裡題襟况終賈。我亦同君賦鹿鳴。回頭弱冠舊諸生。
圖中人本春明侶。記取嚶嚶求友聲。鬚眉老輩相輝映。不數蘭亭擅觴咏。
萬里依然履舄新。卅年猶想冠裳盛。一鞭明日玉龍關。還望蒼山積翠間。
但祝雲泉人矍鑠。永餐芝朮駐朱顏。

族邨年愚弟林則徐手稿。

○○趙秀峯大令。渠成賦詩見示。因次韻答之。秀峯公。時任陝西宜川縣知縣。
太平耕鑿惠無窮。鄭白渠成不計功。賦就西京垂蔭句。從今塞下報年豐。
厚甫。陳鍾麟手稿。陳公。時為陝西延安府知府。

○○楊春聲大令紹霆答。

○趙秀峯公詩一首。時秀峯公。任漢陰別駕。

梅信小寒前。故人書信傳。此書來不易。漢水達盈川。上言久契闊。下言期